

世界書局印行



景印
摘藻堂

四庫全書卷要

集部
第五十四冊
列集類

世界書局印行

景印
摘藻堂

四庫全書薈要

集第
五
別集
四
類冊部

本冊目次

書名及撰人

卷次

頁次

秋澗集一百卷 元王惲撰

卷四十九至卷一百

四〇一一

欽定四庫全書薈要

集部
秋澗集卷四十九

詳校官助教臣謝登雋

欽定四庫全書薈要卷一萬六千二百五


集部

秋澗集卷四十九

元 王惲 撰

傳

蘇門林氏家傳



林氏其先兗州曲阜人唐之季世有官于閩中者後復徙家于文登至遠祖府君名翰者蓋五世矣翰在宋初用貴贈率府率子諱文受知熙陵官至崇儀副使淮南路提撫刑獄贈領軍衛將軍生子永終屯田

欽定四庫全書

秋澗集
卷四十九

員外郎御史臺推直官累階贈光祿卿永生子之純字嘉父擢景祐五年進士第釋褐主朝城薄河東犯橫壠瀕於不支歸兵恟恟欲亡去公安諭之遂怙然事集升知莘縣以屏盜有方受澶州頓丘令未幾恩信大行時麥黃水盛下嚙孫陳岸勢危甚公朝服立潰堤上望濤頭拜禱波神為霽威境賴以安改佐著作淮陽軍事判官貳徐惠劾紀著叛獄有匿其家者註誤殊衆公為辦理多致原釋郊禮覃慶加太常博

士知大名縣初天王院五代時有韓王賜田甚廣歲久失據鄰伍以僧妄冒致訟累寒暑不能決公按索隣券考明封畔繼得古石記與所按吻合以田付僧令歲輸常賦民乃稱服用丞相程公薦通判青州終得年四十有九官至職方員外郎上騎都尉仍賜五品命服娶呂氏封京兆縣君惠和宜家之純生三子長曰舍字虛白年十九擢熙寧進士第性恬退以高節自信嘗有詩云世有非常樂人無未老閑未三十以大理評事休官名賢高其行至方之淵明初先生西遊共城愛其山水明秀迺營葬青州府君於縣西處賢鄉古郭里母夫人呂氏祔焉自是林氏為衛之蘇門人先生四子曰愚曰恕曰憊曰恣愚字貢元亦以節行稱宋亡至焚香告誓不仕而終仲弟介鄉貢進士季弟會字貫道幼知嗜書剛正有志操由陰補郊社齋郎初主成都雙流縣簿令久闕攝公行縣事有能聲部內舊有漚歲例役並水民並治貧下苦之公乃一責資既家理辦仍捷石代工衆免

告勞頻歲大稔調宿州司理叅軍暮夜民遺火延燒犴屋公出繫散置庭中比熄倉卒除無越逸者上官材之移南京軍巡判官民有戕其子執謀害人者按竟公至疑焉求情得白遂直其枉改新蔡令歲大蝗獨不入縣境人謂公廉平所致由韋城宰歷奉符縣秩滿授通直郎知蘇州常熟縣兩浙頻年大水引溉浦口湮闕無慮三十餘所累政謾不加省公按行故瀆率疏濬之民受賜不貲元祐庚辰疾終蘇之公館配張氏有淑德駕部員外郎赤之女封壽安縣君生子男四人聽通直郎西京敦宗院博士聰總隱皆業進士自羈貫至成人太孺陰教為居多聽生子五人曰巽允蒙鼎革異次子諱正國字德將登金大定十六年進士第終少中大夫北京監使生懷遠大將軍毗陽丞諱茂字漢卿懷遠二子曰思敬鄉貢進士曰思德潁川軍仗廬使生子芳今任江南某府從事思敬府君之子即故衛州交鈔規措大使諱通字子泉為人丰儀修整顏渥丹鼻隆然如膽垂寡

言笑善心計顧衛南北衡會貨財四通遂積殖與時逐然生籌能擇人而任故物情得而掇世資生平喜賓客樂施予其克勤躬儉殆憂深思遠者屢以其術事上官獲精幹稱嘗訓子珪曰林氏上世以詩禮傳家代有聞人予惟早失怙恃生長喪亂間以餬口計處四民末業致貽祖禰羞諸孫稍長無忘讀書以復世範汝念茲無置府君以丙辰歲終魚行里之私居壽六十三配宣氏衛之大家主治內務寬儉有母儀燕處榮養期頤而終

享年八十有三人以全福歸之子珪以孝義著稱能世

其父業嘗任州三務大使次子璋謹愿克家珪子永大名府平準庫使次子元珪奉遵先訓俾之從學其資藉啓迪乃心罔不盡不數年起家為中書掾至元丁丑予列職太史元來謁拜而請曰元無所肖似析薪之責固不免負荷惟是先世行業非得名筆約而暢之將不能傳遠而人見於後先生尚胥暨顧予以林世叙雖邈其聞而知之見而知之者班班可紀加以世姻之好故勉為

傳述之贊曰

林氏本出商姓太丁子比干以忠諫死嗣堅逃難長林山易以定氏周衰枝葉扶蘇散處中國如放之聞於魯顏之顯於齊回以義著至以相名皆其後也繫南安之林唐已來世為魯人豈放之苗裔耶迨唐歷宋金四百餘載間奕葉以儒顯其流風善政表表于時者如是迨規措府君遭時艱虞家世中衰竟能適追來孝俾盛德幽光墜而復續豈君子之澤其流淵且長乎

南鄺王氏家傳

王氏皆王者之後春秋時王子成父者敗敵有功因賜氏厥後子孫散落中國在晉者靈王太子後齊則畢公高後其在陳留者齊王和之裔汲郡王氏其先陳留陽武縣七園里人起家墾畝耕稼河陂間宋靖康初避地徙家衛汲縣長樂鄉之白楊里遠祖金天會間積勞至杞縣尉高祖兄弟五人二翁者是為扈王氏初妣父扈素長者聞高祖賢舍而甥焉生子男五曰三翁四翁五

翁十五翁十六翁人見其本支蕃衍稱扈王氏以別因

之蓋不忘本也三翁贊譜叙為二代祖生二子曰元用

資穎異是為惲高祖自田舍即改肄士業嘗語人曰終

當以筆代耕衆異其言及長補郡掾為人英特棣棣有

威儀主治曹務踔勅角切厲風發明昌初節鎮叅佐例朝

授用薦者言遷河平軍都日官上官倚重有黑王殿直

立節度之日尋得暴疾卒魚行里舍時年三十有八人

惜其年不稱德生經紀紳三子紀為決曹紳潛德不耀

欽定四庫全書

秋澗集

卷四十九

曾祖經字伯常天稟孝愛垂髫已知事母容止如成人

禮氣方嚴內長厚喜施與志不樂祿仕雍容鄉閭以德

度霽一時昆仲七人同居內外無間言以累葉不分家

用饒足其賑貧施乏不掩為偏惠人有貸弗忍徵久不

克償輒折其券或來謝就復惠濟曰周急素所樂何謝

為一世家子要柴大條來取所附闕與

徐誠之曰農當務實士君子帶非闕送其

家女弟嫁陵氏壻下以俠犯闕女妹先

君所鍾愛若壻置於辟婦闕容匿會赦

嘗出郭門遇里農易闕也墮焉取諸

市可乎其人謝而去其黨闕官府來求剖正

為諭之曰遠親莫闕世所未免親仁和

隣古之善道初無闕君子愛人以德曲直

非所辯曰吾儕小人闕不易慮至相戒曰今而

後不可使長若闕其為一邦聽直欽服如此

王氏北闕者尚十餘房其親喪隨所寓

欽定四庫全書

秋澗集

卷四十九

權厝曾之晉村之南阜曾慮歷年久命封馬鬣漫不可

識嘆曰吾大宗子合食族墓責實在我遂起新阡大葬

於長樂鄉第四疇祖業之北原及舉祀絕者廿餘柩贈

賻率有加凡內外男女孤惇無藉賴者為娶嫁之姻禮

踰已出曾祖妣系出新中臨清關宋汲郡公呂氏之裔

壹儀母德宗屬仰法焉生與曾祖歲月日同北兵破衛

亦同時怖沒於家春秋七十有六實貞祐二年甲戌春

正月十一日也百年來里中宿者談孝愛而內有則者

必曾為稱首生祖宇宇彥宇身長七尺二寸儀觀清淑少傳家學尤明習文法至帖問條對義精理當筆洒洒無滯辭行輩無居其右者甫冠遭罹板蕩世業為一空奮身從事卒不失舊物雅為節度公完顏從坦所知遇由郡掾辟刑曹孔目官祖盡心庶獄要本情與法應未嘗用察為明情得為喜也故郡中稱平至有哀矜折獄之譽類注刑統進祿等書既而嘆曰後世知我罪我其此書乎生平樂誨人怡顏和氣不以己長格物雖童孺

質問諄諄然無倦色有弗知未始不盡也今梁衛間由史業而上達者半為門生遂以史學授先君曰吾治獄平後當有顯者然前賢有言吏以法令為師問而可知其能與否自有資才非學而可此汝最當默識弟完之子鈞早失怙恃鞠育與先君等至一豆羹一裘褐必如顧恤正大改元四月十六日以未疾終新衛州橫堤里之寓館壽五十有一官至敦武校尉祖妣孟氏女縣南草市榆林坊富家姿貞順配祖德良稱既誕先考以貞

祐二年癸酉四月十六日卒於郡之故家再娶韓氏韓宋已來世顯族有累階至司空龍圖者二十九處寡以儉烈聞流寓勤苦保持門戶甚力俾先君卓爾早達祖妣資藉之方為多晚嗜道家教號妙清大元中統庚申重九日以疾終安仁里享年七十有六越三日附葬玄堂祖柩之左先君諱天鐸字振之姿精敏幼知嗜學諸弟出遊嬉獨把書不置既通大義先祖以律學授之即能下筆條對明究情法已嶄然露頭角眾謂能大其先

業元光初溫國胥公自秦移鎮新衛尚書李特立聞其才由州戶曹掾辟權行部令史時上以御馬賜國公圍曹取芻粟比內廐例先君曰不可在閑則路馬既賜則公乘內廐之例容得同乎公聞之曰王掾愛人以禮二年前上黨公闔壁馬武京為河朔藩扞分羸兵四千人假食於昨適公儲亦無幾方風雪寒沍眾待哺問井間公府議省以聞先君進說曰張糾合義兵皆河北遺黎今飢若是不權宜以濟殆非從便副上官意也侍郎梁亨

道為肯首然當若何曰今官義兩軍溫飽有日若以月

給權輟半以應彼急河南漕粟計不時亦至如此則客

主兩不失所行臺可其請屏兵賴以安活自是大為省

叅康塘郎中盧芝

塘字良輔芝字廷瑞二人號載史事

所賞識曰會是驥

足騰驤一日千里也正大四用元帥完顏公

諱顯爾克德濟

字火燎之薦拔所能試京師擢吏員甲首時年二十有

六方軍國多故財賦一仰都運司經度實擇才掾集事

即選充運司掾長先君夙夜在公游刃餘裕都漕李公

欽定四庫全書

秋潤集

上

芳

字執剛承安二年進士號精政務

同漕移刺吳和深加器重

吳和中公字景

先亦入作司藏吏以計盜官物使高世英受贓初不知

從來事覺吏逃失所在及科罪從事帥肅執以監主為

罪首抵世英死先君爭之不下至詣憲部詰辨曰原世

英情本非同謀第行盜後受賕耳據法議罪與原謀共

犯不同高止合坐贓論且法者固當公共師舍焉以即

汝心是置法為虛器上官躓之高竟減死論后懷金來

謁先君怒斥去曰毋污墨我所爭者法非汝私也豐衍

庫使劉濬

字德源愛民榜進士先君嘗從問學以辛初業

以公代不審陷名紙

三十萬用是追解先君為申理復官如初五年補睦親

府掾屬皇兄荆王判府事愛其德度深加禮遇明年秋

皇太后崩制袒免親奔訃有違過之限違者從府科罪

時有後期者先君請曰南渡來宗室播弱宜從寬宥王

然之以為知禮園陵禮畢卒無有被劾者六年轉補戶

部令史時簿書財賦委積

音積

紛至先君精力過人故務

愈繁志愈明氣愈厲事愈詳不煩書佐裁決如流於是

欽定四庫全書

秋潤集

上

風動臺省有快吏元康之譽開興初用入粟例補滿授

戶部主事壬辰天興東狩崔黨往往入宮禁竊取金貝

或堅約同往以遜辭免乃切嘆曰端門不忍過其忍聞

此京城下將士爭入俘掠尋有令禁止先君偕同志者

突冒兵威疏救百餘口於南薰門下乙未歲北還淇上

尋朝廷命斷事官耶律瑪努勒公括諸道戶口柄用頗決

得人為急用薦者署行臺從事制以籍為定互占它縣

以死論有潞民馬醫常氏避役匿河內王帥家事露公

抵常以死意在籍沒州將且用聳動隣道先君辯之曰
常罪止於逋論死則非制書本意公怒曰脫有誤並汝
坐之反復辯明常竟獲免又王鳳翔者告崔師立弟益
侃匿金國珍寶適萬戶杭實納國闕人受誅公抵益等
以喊失罪罪之先君曰初謀竊者崔立今已死況罪不
相及國有常憲公遂平反為出益等至有圖像奉報之
語明年秋即律公薨雲中遂南歸或勸為郡縣曰一丘
之木安足棲集乃書歸去來辭於齋壁以見意因號思

欽定四庫全書

秋澗集
卷四十九

十三

淵老人日以經史自娛而尤習春秋左氏傳西漢書晚

年一洗心於易嘗質問於華陰王先生

名元禮天意進士第號王華子

曰子學易當明易理汝知自昔治少亂多君子寡小人

衆何也先君曰豈非天一而地二乾陽方始而陰已為

之倍歟先生曰子得之矣集歷代諸儒易說為一書題

曰王氏纂玄遇朔例一占玩辭明變其應如響下至天

文及術數等學皆精習之聞一異書輒自手錄多積

至千卷友人劉沖曰何矻矻如是曰吾老矣為自娛

朝夕歲戌戌詔試儒士時恩制寬或以乃嗣長可從師
取試先君曰吾思以義方為訓若以幸竊非常非余所
敢聞嘗誠憚忱曰吾已錯斷不容再寒殍死無掇習能
一志於道以儒素起家吾歿則瞑目矣然學貴專精汝
不見鑑瑩則自能別物學苟不精如治鑑不明將安用
為不學易昧涉世之道不讀麟經無以知筆削之正吾
平昔行已得乎此而已丁巳秋八月以疾終牖下先君
資剛明簡重善持論慮患深雅以大用自期人亦以此

欽定四庫全書

秋澗集
卷四十九

十三

與之握瑜懷瑾羣而不矜事莫可措手者幸優為之不
聲色少動故官守宦游莫不尊德樂道問政質疑取決
而去事已率如教至吏筆縱橫緣以儒術乃餘事耳又
善尺牘作真行書勁韻有風格與人交以取容阿匿為
恥居家寡言笑以身為律度人望而畏若一官府然外
事緩急不一言及家人非疾卧未嘗見日而作三十年
兩易表褐年四十六既奪先妣或勸再娶曰其如不可
何老者繼室又先余死是轉余於恤少者後予是吾遺

累於後竟不娶初試京師時宿院夜夢人奉一首加曹
曰持此若名也及榜出擢甲首云歲丙辰秋惲亦夢人
馳報曰汝父領朝拜旦至趣出顧見先君朝服席帽乘
而秉簡一卒跳梁馬首唱名翠微君節度使后三日先
君遘疾乃以所夢上白曰翠微者太虛之氣夫精氣為
物遊魂為變死生者晝夜之道吾固安之復何憂與明
年捐館吁亦異哉先妣靳氏相州永和鎮人進士子玄
之孫安陽丞顯思之女性淑善於婦道良謹生二子曰
惲曰忱孫振孫宜孫重孫韃郎贊曰

欽定四庫全書

秋澗集
卷四十九

十四

謹按家譜惲六代祖昆弟五人五代祖行一十三高祖
行一十五曾祖行一十九王父行一十四禰伯叔六人
由是而觀金百年間本支不為微眇然自喪亂來或四
三世五六世而已者凡二十有四房哀哉唯扈王氏暨
相之醫傳房歷八世而傳祀是豈偶然者哉惲觀西漢
名臣往往決曹獄史致位槐棘雖云明習文法練達故
實至論身名烜赫膺喬延昌必曰陰積所致王氏自河

平府君而下累葉以力穡承家職司城旦迨先考而業
有光子孫迄綿綿於今視履考祥其亦有足致然者耶
烈婦胡氏傳

劉平妻胡氏濱州渤海縣秦臺鄉田家子至元庚午平
挈胡洎二子南戍棗陽垂至宿沙河岸次夜有虎唬然
突來啞平左髀曳之而去胡即抽裝刀前追可十許步
及之徑刺虎劃腸而出斃焉呼夫猶生曰可忍死去此
若他虎復來奈何委裝車遂扶平攜幼涉水而西黎明
及季陽堡訴於戍長趙侯為抹藥之軍中聚觀哀平之
不幸咤胡之勇烈也信宿平以傷死趙移其事上聞得
復役終身嘻胡柔懦者也非不懼獸之殘酷正以援夫
之氣激於衷而知有夫不知有於菟也平雖死其志烈
甚矣方之太山號婦何壯毅哉贊曰

欽定四庫全書

秋澗集
卷四十九

十五

桓桓壯夫鷙勇而大事出倉猝變色蜂蠆烈烈胡氏憤
物為害義激柔衷氣薄於外視虎如鼠所天為大平雖
啞死婦節則邁媛折熊衝蘊刃賊輩形管流徽清芬匪

代

員先生傳

員炎字善卿固州人性落魄嗜酒業詩有能聲不事生產大元乙亥歲故人楊紫陽主漕洛帥愍其窶用監嵩州酒時兵後邑居榛荒日與鹿豕伍非所樂也已而隨所徵上謁楊方據按坐堂上吏鳬雁行立員挂布囊腋下杖巨梃直前曰楊使君不相知置我於此幾為老羆所噬此汝酤錮持取吾不能為汝再辱遂揖而去其疏

欽定四庫全書

秋澗集
卷四十九

七

誕如此自是長遊河朔以詩鳴諸公間其洛陽懷古分韻得髮字云東雒打空城北邙連廢闕懷古動悲吟遶客生華髮隆德宮云林花細妥胭脂色水荇輕淤翡翠泥歌舞留連嫌晝短樓臺縹緲覺天低譙集東平湖亭北海樽前人似玉東原城下水如天滿眼荷花三百頃採蓮人語隔秋烟高唐道中影孤海內干戈滿愁入天涯草樹低桑柘影空蠶已老陂塘涸盡燕無泥濟南金線宿雨乍收雲葉斷猶疑電影掣湖心扇尾羊云馮翊

春草香芊綿柔毛食飽飲苦泉卧沙稀肋瓊筋細帶霜小耳春繭圓扇尾一方移種類風頭萬里搖腥膻吾生本無食肉相不煩浼予愁烹煎馬酮云漫說十杯不醉人清光壓倒洞庭春攜行何用紫絲絡渴飲不煩烏角巾搖動革囊成醞釀封藏花盎作逡巡坐中一混華夷俗或有豪吞似伯淪予時能憶者止此西歸過衛先君館焉褐衣麻屨酒近酣巨梃權膝上掉頭吟諷歌謠慷慨之氣軒軼四座素不能騎衆人強之輒色變隨地或以詩戲云靴有銍青雖可愛面無人色實堪吟嘗懷金一餅曰鎮心不可以闕此後用以易妾繼為人竊去家居壁四立餘詩藁酒瓢而已復有擷舉字彥舉亦陝人面黧慘目光矐矐若有物憑者少為里畱夫初不解文字一日忽能作詩吐奇怪語皆古人所未經道雖苦無義意其豪侈之況儕輩屬和終不能及中元冬見予於燕市酒樓浮大白數行徑出步爐間嚶嚶然忽作露蚓聲竟前來扼余腕忻甚曰吾有以贈子其詩有氣凌太

欽定四庫全書

秋澗集
卷四十九

七

華五十仞詩繞國風三百篇之句醺酣中惜不全憶也
嘗謁得楮幣若干醉過里井即投其中曰為爾俾予區
區若此奚用為其狂易如是後客死保塞殯西南門外
路北若干步揭曰詩人撤某墓詩三卷號谷道人集好
事者刊行於世

墓誌銘

金故忠顯校尉尚書戶部主事先考府君墓誌

銘

欽定四庫全書

秋澗集
卷四十九

六

先府君諱天鐸字振之族王氏其先陳留郡陽武縣七
園里農家避靖康亂徙居衛汲縣長樂鄉遠祖有積勞
官杞縣尉者曾祖府君諱仲英特有威望終河平軍節
度府都目官祖諱經未仕天性孝愛鄉黨化其德顯考
府君諱宇衛州刑曹孔目官精明文法表表為吏學師
官至敦武校尉先君少聰敏嗜學不為羣兒嬉讀書通
大義先祖授以律學即能下筆論斷推原情法閭閻如
老成人衆謂父良為教子能世其家矣正大初自州戶

曾辟權行部令史時哀宗以御馬賜行省英公園曹取

芻粟欲內廐例同先君曰在閑則路馬既賜則公乘內

駟之例非所敢知公聞之喜曰王掾愛人以德矣上黨

公閨壁馬武京為河朔聲援以餽餉不繼分羸卒四千

假食於昨適公儲亦無幾部議以省聞方風雪寒沍衆

待哺閭井間先君進說曰公府糾合兵力皆河北遺黎

今飢若是不權宜以濟殆非從便副上官意也侍郎梁

亨道為肯首然當若何曰今官義兩軍溫飫有素若以

欽定四庫全書

秋澗集
卷四十九

五

月給權輒半以應彼急河南漕粟計不時至如此則客
主兩不失所可其請辱戍賴以安活自是為省叅康塘
郎中盧芝所器識曰會見駿足騰驤一日千里也正大
四年用元帥完顏公薦拔所能試京師擢吏員甲首時
年廿有六方軍國多故經費一仰大農調度即選充運
司案長時李乾州芳承安二年進士字執剛移刺吳和領漕計號
精吏務先君夙夜盡公審會明當二公稱其能入作司
吏以計盜官物使高世英受贍初不知所從來事覺吏

逃失所在及科罪從事帥肅執監主為首抵世英死先
君爭之不下至詣憲部詰辯曰原世英情本非同謀第
行盜後受賕耳據法議罪與元謀共犯不同高止合坐
贓論且法者固當公共師舍焉以即汝心是置法為虛
器上官避之高竟減死論后懷金來謁先君怒斥去曰
毋污墨我所爭者法非私汝也豐衍庫使進士劉濬以
訟代不審陷良紙三十萬是用追解先君為伸理復官
如初五年補睦親府掾屬皇兄荆王判府事愛其德度
欽定四庫全書
秋澗集
卷四十九
三

餘口於南薰門下既而北還鄉里乙未歲朝廷遣斷事
官耶律公括諸道戶口柄用專決得人為急前省掾李
禎已佐幕府薦先君於公曰王某予弗及也遂署行臺
從事戶制以籍為定互占他縣者以死論有潞民馬醫
常氏避役匿河內王帥家帥名資榮事露公抵常以死意在
籍沒州將用聳動隣道先君辨之曰常罪止於逋論死
非制書本意公怒曰脫有誤並汝生之反復辨明常竟
獲免明年秋瑪努勒公薨雲中南歸讀書養晦以厚所待
或勸治生曰非予初心也勸仕州郡曰壹丘之木安足
棲集日以經史自娛尤嗜春秋左氏傳西漢書其天文
術數等學皆通習之年既加一洗心於易嘗質問於王
華子先生名元禮華陰人從眾進士大有所得一日先生發問曰自昔
治少亂多君子寡小人衆何也先君曰豈非天一而地
二乾陽方始而陰已為之倍歟王華子曰予得之矣集
歷代易說為一書題曰王氏纂玄且見吾遜世無悶也
歲戊戌詔試儒士時恩制寬或以迺嗣長可從師取應

先生曰以學為利非敢聞命嘗庭訓憚忱曰吾已錯斷不容再寒殍死無掾習能儒素起家其榮多矣然學貴專精汝不見鑑瑩則乃能別物學苟不精如治鑑不明將安用為不學易昧涉世之道不讀麟經無以見筆削之正吾平昔行已得乎此而已年四十六既奪先妣或勸之娶曰其如不可乎老者繼室又先予死是轉予於恤少者後予是吾遺累於後竟不復娶闕 淵老
人邦君游宦咸尊德樂道問政質疑無闕 已率如

欽定四庫全書

秋澗集
卷四十九

三十三

教丙辰春平章趙公壁以書來聘時已病不克往明年丁巳秋八月十有八日考終牖下享年七十有六官至忠顯校尉夫人靳氏相州永和人進士子玄之孫安陽丞顯思之次女貞靜淑善光備婦道生二子憚忱先卒用戊午春三月葬汲縣親仁鄉之新阡先妣祔焉先君資剛明簡密議論長慮患深雅以大用自期人亦以此與之握瑜懷瑾羣而不矜至當官宰務人莫能措手者率優為之不聲色少動外事緩急不一言及家人至於

吏筆縱橫緣以儒術乃其末耳又善尺牘簡而盡書勁韻有風格作楷字日滿萬聞一異書佔俾如不及多積至千餘卷友人劉冲見之曰何自苦如是先君曰素無長物非此無以遺子孫其遠大如此所交皆一時名士以取容阿匿為恥生平非疾病未嘗見日而作三十寒暑兩易裘褐居家寡言笑以身為律度人望而畏愛若一官府然嗚呼先君以刀筆起身垂聲當世於先業為光大惟其秉彛粹慤思欲克其所未至進進焉不容自已絕不齒故習一肆於學根柢羣經務明大本復旁通天人之術以濟厥用其修已應時開物成務之志是可涯際邪然時與命揆壽止於斯不獲卓犖大見於當世憚等聆風樹而含悽履霜露而興感抱昊穹罔極之悲也愜想平生鏤茲礦石庶幾慰安神靈永閔寔寔之藏

欽定四庫全書

秋澗集
卷四十九

三十三

銘曰

繫扈王氏世業農高曾而下掾習同大風決決動南鄘於嶸先子德彌崇一日奮起蛇化龍樹立先業何光融

獄惟平反匪厥躬要以明恕剛而中廷平釋之唐有功
漢二千石世業公剖裁錯節輸神鋒庶幾凜凜德讓風
盧淵日入不可腫布衣歸來默而容春秋大易羅心曾
跡蟠於泥氣則虹冀北一顧凡馬空道雖人弘繫其逢
維弗卒施為世恫兒能讀書亢吾宗白首孰計達與通
閉門疏水甘長終翠微之居窈以重一債不起胡鞠凶
悠悠大鈞問無從太行西峙泉流東九原盤盤佳氣葱
魂兮歸安此新宮

欽定四庫全書

秋澗集
卷四十九

先妣夫人靳氏墓誌銘

先妣縣君姓靳氏相州安陽永和鎮人永和自唐歷宋
為名縣鴻儒鉅族代櫛比出靳氏其一也家故饒財世
以孝義著聞鄉里祖諱師楊字子玄舉進士有賦聲場
屋間後以恩賜第授彰德府教官金百

闕

丁論人

文之選者殿元為稱首

闕

外祖其季

也為人儀觀秀偉髯滿

闕

喜弓馬

闕

滿經

大游獵橫漳間有河朔故家豪習嘗官安陽丞生二女

先妣其次也

族母適李氏令為
召居鄉里有一子

既歸王氏先祖時已歿

祖母韓性貞明持門戶益嚴先妣孝養恭順故閨門內
事僅絲髮比不敢專須請之后行祖母以是賢之非大
故未嘗踰外閨姻黨有以合二姓會諸親者先妣與焉
里中諸媼至顧而不知為誰平居課兒輩讀書傍治絲
枲須夜分乃休樂聞古人母儀女誡及善惡興衰等事
怡然有得至寤寐思服旦起愛晴陰問或旱則清潔溢
則擇陰輒愀然不懌曰歲功一失憂有大於

闕

不然

欽定四庫全書

秋澗集
卷四十九

喜津津見顏色先妣性溫純慈祥居家

闕

容儀無

啞啞言笑

闕

人物不忍少休內外

闕

以厚平生

不能易

闕

物心慊慊惟恐我之

闕

人也世方以服飾

相高

闕

羽耀閭閻甚者託燕游以私謁為事先妣聞而

闕

之朝夕志女功主中饋被服在躬承祀孔時嘗以

事當出乃歸而不自安者移時其幽閑貞順之德蓋可
知矣歲戊申夏六月竟以憂勤致疾越明年己酉秋七
月廿有九日化於私居之適寢壽四十有五先君識明

達既失內助斷不復娶祖母倦勤稍以內事傳新婦推氏無取先妣婦道是訓因追悼白汝知醮王氏二十有五年有子有孫未嘗以主母自居失為婦禮勤已至矣不獲少慰劬勞而止於斯可勝痛哉嗚呼天道悠悠報施善人果可必而恃邪故臨終闕嗚呼哀哉天安

憚可罪而至此極耶追念祖母疇昔之言隱然惻於心故茹哀銜恤於茲八年至是伸荼毒慰下泉發幽光而圖不朽宜銘德莫若哀號泣涕以畢其辭銘曰

欽定四庫全書

秋澗集
卷四十九

二十六

坤柔之德婉以從健而幹蠱匪婦功伯姬之卒諡以共淑慎先妣柔所鍾主夫中饋成肅雖春秋承祀被僮僮善人獲報天乃公嗚呼福壽不一逢歸咎無處恫厥躬福祔無憾哀送終萬家之原偃斧封泉流可竭恨不窮故權左司都事趙君墓銘

君諱謙字和之世為蓋州人中統元祀用薦者言以材幹補行臺左三房提控令史二年春考政上都與予同遊居者數月用是情好日洽夏六月闔臺南還君為中

省苛留乃以都司擬之作駐留計君怫然不樂求亟去甚銳事業已不許信宿疽發於腦戶呻吟無聊殆不能堪醫庸藥妄一刺而肆裂越三日予與楊易州恕謀曰常山瘡醫麻澤民今之俞跗也適召至若禱於院使王君儀之可一來救藥凡三往得請踵及門中使趣去之自是內侍不出者幾浹旬後五日夜聞君聲漸嘶報燭起視向壁卧頭岑岑不舉矣比明臭惡達戶外僂從止一老愴慙且愚瞠不知若何訪求知故無一人予惻然

欽定四庫全書

秋澗集
卷四十九

二十七

感傷冒臭惡易衣衾視其疾緩急困則對榻衣寢自疾亟迄蓋棺凡五旦夜得年五十有七實中統二年七月廿有五日也嗚呼哀哉以義以友喪無歸責實在我旣斂詣堂中請曰吏趙謙以守官客死禮以公給喪郎中賈君仲明怜之官為賻緡錢千躬為護喪大郡城東門郊外適表親徐貞者至付之俾輶載歸燕君短小精幹審於吏計蚤歲從事課府以廉介稱杯酒間言笑啞啞殊不知為肅慎氏之族也木甲稱者聲近趙家故以趙